

59  
Reuocatio, & annullatio Litterarum, & Decretorum Greg. xiiii.  
& Clementis viii. Summorum Pontificum.

PER S. D. N.

D. PAVLVM V.  
PONT. MAX. EDITA  
CONTRA

Ordinem Iesuatorum à prædictis Pontificibus promulgatorum de  
non promouendis ad Sacros Ordines ex illa Religione quibus-  
cumque, aut gradibus Sacræ Theologiæ initiandis.

Cum concessione pariter gratiosa ex eadem Congregatione pro prima vice extra-  
tempora vsq; ad Centum ad maiores ordines prouehendi.



R O M A E, Ex Typographia Reu. Camera Apostolicæ. M. D C V I.

# P A V L V S P A P A V .

AD PERPETVAM REI MEMORIAM.



Religiosos viros, qui sub suavi Religionis iugo, Dei obsequijs mancipati, maiori pietatis studio, ac ardentiori charitatis affectu in holocaustis, sacrificijs, & diuinis obsequijs vltro illi placere, ac magis gratum exhibere cupiunt famulatum, benigni fauoris patrocinio libenter complectimur, ac gratis prosequimur opportunis, prout illorum pia vota expostulant, ac alias in Domino salubriter conspiciamus expedire. Cum itaq; sicut dilectorum filiorum Visitatorum, & aliorum Superiorum, & Fratrum Congregationis Iesuatorum nomine Nobis expositum fuit; licet Religiosi dictæ Congregationis, ex vetustissimo, semperq; obseruato instituto, etiam post emissam per eos in dicta Congregatione professionem regularem, sacris ordinibus initiari non consueverint: & licet dudum bo. me. Gabriel Episcopus Albanen Cardinalis Paleotus, & Nicolaus rituli Sanctæ Prædix Presbyter Cardinalis Senonen nuncupati, ac Venerabilis frater Casar Episcopus Cremonen, Quibus se: re: Gregorius Papa XIII. Prædecessor noster, hoc negotium commiserat, ex causis tunc expressis, per quoddam eorum decretum statuerint, vt dictæ Congregationis Religiosi, qui eo tempore ad sacros ordines promoti reperiebantur, ab illorum executione in perpetuum suspensi forent, Et Superiores, qui litteras dimissorias, & alias quascumq; concesserunt, aut aliter quouis modo opitulatus fuerat fratribus dictæ Congregationis, vt ad ordines promouerentur, ab eorum officijs depositi, in posterum ad ea, & alia in dicta Congregatione obtinenda inhabiles essent, & esse intelligerentur. Quodq; de cætero sub pœna perpetui carceris ad huiusmodi ordines quisquam dictorum fratrum promoueri, aut ad hunc effectum litteras dimissorias concedere non posset: Et vltius nec cuiquam ex eisdem fratribus liceret gradum in sacra Theologia, vel alia facultate adipisci; Quod decretum à prædicto Gregorio XIII. necnon à piæ me. Clemente Papa VII. etiam Prædecessore nostro confirmatum fuit, prout in dicto decreto, & in Litteris eorundem Prædecessorum desuper expeditis plenius continetur; nihilominus tum quia nonnulli ex illis, qui, vt præfertur, Sacris ordinibus initiati ab illorum executione suspensi fuerunt, ad huc superflites sunt, & alij etiam in dicta Congregatione reperiuntur, ad Sacros ordines suscipiendos apti, tum etiam, quia multi libentius in eadem Congregationem ingrederentur, si eis, ad Sacros ordines suscipiendos, & diuinorum ministracionem aditus pateret, tum demum, quia diuinus cultus maiorem in ipsa Congregatione susciperet incrementum, si eius Religiosis, ab ignobili otio, & turpi ignorantia seiunctis Sacros ordines suscipere, ac in illis ministrare, ac diuinis laudibus, & obsequijs vacare liceret propter præmissas, & alias rationabiles causas cupiant supradicti Visitatores, & fratres, aliquibus ex eis, Apostolica nostra auctoritate licentiam Sacros ordines suscipiendi, ac in illis, etiam in Altaris ministerio ministrandi, & sacris seruitijs se mancipandi benigne concedi. NOS illorum pium desiderium huiusmodi ad diuini cultus augmentum, & eorum Congregationis decorem, & incrementum tendere summo perè in Domino commendantes, considerantesq; non posse Religiosos maiori cum fructu Dei obsequijs vacare, quam per diuinarum litterarum scientiam, per Altaris ministerium, & minorum officiorum vsum, & propterea pijs eorum votis fauorabiliter annuere, illosq; specialibus fauoribus, & gratis prosequi volentes, necnon decreti, & litterarum Gregorij, & Clementis prædictarum, totos tenores, perinde, ac si de verbo ad verbum insererentur, præsentibus pro plenè, & sufficienter expressis, ac ad verbum insertis habentes, necnon singulares

gulares eiusdem Congregationis personas, à quibusvis excommunicationis, suspensionis, & interdicti, alijsq; Ecclesiasticis sententijs, censuris, & poenis à iure, vel ab homine quauis occasione, vel causa latis, si quibus quomodolibet innodatae existunt, ad effectum praesentium dumtaxat consequendum harum serie absoluentes, & absolutos fore sententes; Supplicationibus eorundem Visitatorum, Superiorum, & Religiosorum nomine, per dilectum filium Isidorum Venetum Fratrem, & Procuratorem generalem dictae Congregationis, Nobis super hoc humiliter porrectis inclinati: Ex voto Venerabilium fratrum nostrorum Sanctae Romanae Ecclesiae Cardinalium, super Consultationibus, & negotijs Episcoporum, & Regularium deputatorum, quibus hoc negotium examinandum, & Nobis referendum commisimus in primis, & ante omnia decretum, & litteras Gregorij, & Clementis Praedecessorum supradictas, in quantum praesentibus aduersantur, auctoritate Apostolica, tenore praesentium perpetuo reuocamus, & annullamus, & suspensionem ab executione ordinum, vt praefertur, factam omnibus, & singulis eiusdem Congregationis Religiosis, qui ad ordines etiam Sacros, & Presbyteratus, alias tamen rite promoti extiterunt, itaut quilibet eorum in susceptis ordinibus deinceps, quoad vixerint etiam in Altaris ministerio ministrare, & non susceptos suscipere, & in illis pariter ministrare liberè possint, auctoritate Apostolica, tenore praesentium, gratiosè relaxamus, ac illos omnes, & singulos ad ministrandum in susceptis ordinibus, atq; ad ascendendum ad superiores, & non susceptos ordines rehabilitamus. Praeterea, vt comprehensis supradictis, iam ad sacros ordines promotis, alij eiusdem Congregationis praedictae, ad omnes etiam Sacros, & Presbyteratus ordines ab infra scriptis Antistitibus statutis à iure temporibus, sed hac prima vice, etiam non seruatis interstitijs à Concilio Tridentino designatis, & anni circulo minimè expectato promoueri, ac promoti in illis, etiam in Altaris ministerio ministrare, dummodo tamen prauo diligenti examine, ad hoc idonei reperti fuerint, auctoritate, & tenore praedictis, licentiam concedimus, & indulgemus, ac cum illis super hoc opportunè dispensamus: Ac infra scriptis Antistitibus dictis Religiosis ordines huiusmodi conferendi facultatem impartimur. Volumus autem, & pari auctoritate statuimus, & ordinamus, vt Religiosi dictae Congregationis tam haecenus recepti, quam in futurum recipendi, qui in eadem Congregatione ad ordines non ascenderint, à nullis propterea honoribus, gradibus, & ministerijs dictae Congregationis excludantur, quinimò promiscuè cum promotis vocem actiuam, & passiuam in omnibus actibus, & negotijs, sine aliqua prorsus differentia habere possint, & debeant, & aequo cum eisdem promotis iure, honoribus, gradibus, & ministerijs praedictis, ceterisq; ipsius Congregationis priuilegijs, & praerogatijs gaudeant, & perfruantur. Quoddq; in tota Congregatione praedicta, vltra numerum centum, ad sacros ordines promoueri non possint, sed quandocumq; aliqui ex numero promotorum ab hac vita migrauerint, alij idonei in eorundem demortuorum locum sufficiantur, itaut sic ordinatorum numerus in tota Congregatione perpetuo retineatur. Quoddq; illi, qui ad ordines promouendi erunt, litteras dimissorias, à suis Superioribus, ad aliquam ex infra scriptis Antistitibus directas habeant, à quibus Antistitibus in eorum proprijs Ciuitatibus, vel Diocesis tantum, & non ab alijs, huiusmodi ordines suscipiant, videlicet in Vrbe à dilecto filio Vicario nostro, vel de illius licentia à quocumq; Catholico Antistite, gratiam, & communionem Sedis Apostolicae habentè, ac in dicta Vrbe Pontificalia exercente, necnon à Venerabilibus fratribus Mediolanensium, Bononiensium, & Senensium Archiepiscopis, ac Episcopo Parauiuo, vel ab alijs similibus Antistitibus, de ipsorum Archiepiscoporum, & Episcoporum licentia, in illorum respectiue Ciuitatibus, & Diocesis Pontificalia exercentibus, quibus, & cuilibet eorum praedictos Religiosos, vt praemissum est, ad omnes etiam Sacros, & Presbyteratus ordines promouendi licentiam, & facultatem concedimus. Praeterea statuimus, & ordinamus, vt Sacerdotes, & alij ad sacros ordines, hoc pa-

cto pro tempore promoti, ex peculiari cuiusq; obligatione horas canonicas in choro statuto ab Ecclesia tempore recitare debeant, in illis scilicet conuentibus, in quibus quatuor saltem fratres reperientur in sacris ordinibus constituti, in alijs autem Conuentibus, vbi pauciores quatuor erunt, sacris ordinari, possint eas etiam priuatim recitare. Ipsi verò fratres ad sacros ordines promoti nullatenus in posterum teneantur ad recitationem Orationis Dominicæ, & Salutationis Angelicæ in illis temporibus, in quibus ad eam, priusquam easdem horas canonicas recitare deberent, ex præscripto suarum constitutionum loco earumdem horarum erant obligati, Missas verò submissa voce recitare contenti sint, & à solemnium celebratione abstineant, nisi sicut ipsi solemniter celebrare iam hoc tempore consueuissent. Quòdq; ad Sacerdotium promoti, neq; vllius sæcularis personæ, neq; alterius ordinis Regularis vlllo tempore, etiam de cuiuscumq; Episcopi, vel Superioris regularis licentia confessiones audire possint, sed tantum illis Sacerdotibus, qui ad confessiones audiendas idonei reperti, & ab Ordinarijs locorum approbati fuerint, liceat aliorum ipsius Congregationis Religiosorū, de sui Superioris licentia confessiones audire. Quòdq; fratres ipsi aliquo sacro ordine initiati suæ dignitatis memores exercitio distillationis aquarum nullo pacto vacent, neq; earū venditionibus sese immisceant; Imò cæteri eiusdem ordinis regulares, qui ad ordines promoti non fuerint, quibusq; id exercitium non adimitur, eiusmodi aquas distillatas (quòd hæcenus fecerunt) mulieribus deinceps nullo prætextu vendere, aut aliàs tradere debeant, neq; venales habere, seu exponere, sed tantum eas seorsum ab alijs possint vendere Aromatarijs, vel alijs particularibus personis. Insuper, vt Religiosj dictæ Congregationis magis fructuosj in Ecclesia Dei ministri euadere possint, eidem Congregationi, & illius Superioribus, & Religiosis, vt in eorum Conuentibus, vbi hoc commodè fieri poterit, literarum exercitationes, seu studia erigere, & instituere possint, in quibus tum humaniores literæ, ac disciplinæ, tum Philosophia, ac Theologia legantur, ipsiq; ijs operam dare valeant, auctoritate, & tenore prædictis licentiam, & facultatem concedimus, & indulgemus. Decernentes præsentis literas nullo vnquam tempore de subreptionis, vel obreptionis, aut nullitatis vitio, seu intentionis nostræ, vel alio quopiam defectu, quauis de causa, & occasione, vel prætextu notari, vel impugnari, infringi, suspendi, limitari, vel retractari, aut reuocari vllatenus posse, sed semper validas, & efficaces existere, suosq; plenarios, & integros effectus sortiri, & obtinere, sicut, & non aliter per quoscumq; Iudices ordinarios, & delegatos, etiam causarum Palatii Apostolici Auditores, sublata eis, & eorum cuiuslibet quauis aliter iudicandi, & interpretandi facultate, & auctoritate iudicari, & definiri debere, ac irritum, & inane quicquid secus super his à quoquam quauis auctoritate scienter, vel ignoranter contigerit attentari. Non obstantibus literis Gregorij, & Clementis Prædecessorum prædictorum, & quibusuis alijs prohibitionibus, necnon Constitutionibus, & ordinationibus Apostolicis, ac dicti Ordinis, & Congregationis Iesuatorum, etiam iuramento, confirmatione Apostolica, vel quauis firmitate alia roboratis statutis, & consuetudinibus, priuilegijs quoq; indultis, & literis Apostolicis in contrarium præmissorum quomodolibet concessis, confirmatis, & approbatis. Quibus omnibus, & singulis eorum tenores, præsentibus pro expressis, & ad verbum insertis habentes, hac vice dumtaxat, & ad effectum præmissorum specialiter, & expressè, ac latissimè derogamus, cæterisq; contrarijs quibuscumq;. Volumus autem, vt præsentium transumptis etiam impressis manu alicuius Notarij publici subscriptis, & Sigillo alicuius personæ in dignitate Ecclesiastica constitutæ munitis eadem prorsus fides adhibeatur vbiq; quæ præsentibus adhiberetur, si forent exhibitæ, vel ostensæ. Dat. Romæ apud Sanctum Petrum, sub Annulo Piscatoris, die xvij. Februarij. M. DCVI. Pontificatus Nostri, Anno Primo.

M. Vestrius Barbianus.